

Reglugerðir

Skautasambands Íslands

Efnisyfirlit

I. kafli: Almenn	3
<i>Reglugerð nr. 100 Almenn um lög, reglur, reglugerðir og útgefin skjöl</i>	3
<i>Reglugerð nr. 110 Aðildar- og iðkendagjöld</i>	3
<i>Reglugerð nr. 111 Siðareglur ÍSS</i>	3
<i>Reglugerð nr. 112 Lyfjæftirlit</i>	4
<i>Reglugerð nr. 113 Vanhæfi</i>	4
<i>Reglugerð nr. 120 Merkingar og auglýsingar</i>	5
<i>Reglugerð nr. 130 Skautari ársins</i>	5
<i>Reglugerð nr. 131 Heiðursverðlaun og Heiðursmerki ÍSS</i>	5
II. kafli: Nefndir ÍSS	7
<i>Reglugerð nr. 200 Fastanefndir ÍSS og meðhöndlun skjala</i>	7
<i>Reglugerð nr. 201 Dómara- og tækninefnd</i>	8
<i>Reglugerð nr. 202 Þjálfunar- og fræðslunefnd</i>	8
<i>Reglugerð nr. 203 Afreksnefnd</i>	9
<i>Reglugerð nr. 204 Mótanefnd</i>	9
<i>Reglugerð nr. 205 Laganefnd</i>	10
<i>Reglugerð nr. 220 Kjörnefnd</i>	10
III. kafli: Mót og starfsfólk skautaíþrótt	12
<i>Reglugerð nr. 300 Mót</i>	12
<i>Reglugerð nr. 301 Keppnis- og keppendareglur</i>	12
<i>Reglugerð nr. 302 Félagaskipti</i>	12
<i>Reglugerð nr. 310 Um Íslandsmeistaratitil</i>	13
<i>Reglugerð nr. 311 Bikarmótaröð</i>	13
<i>Reglugerð nr. 320 Skautum regnbogann</i>	14
<i>Reglugerð nr. 321 Grunnpróf</i>	14
<i>Reglugerð nr. 330 Dómarakerfi og tæknibúnaður</i>	14
<i>Reglugerð nr. 331 Starfsfólk dómara- og tæknipanel</i>	15
<i>Reglugerð nr. 332 Dómarar og starfsmenn panel á mótum</i>	15
<i>Reglugerð nr. 336 Reglur um val starfsmanna í verkefni á vegum ÍSS</i>	16
<i>Reglugerð nr. 360 Þjálfaranám ÍSS</i>	16
<i>Reglugerð nr. 365 Þjálfarar í verkefnum á vegum ÍSS</i>	17

III. kafli: Afrekssjóður ÍSS	18
<i>Reglugerð nr. 400 Afrekssjóður</i>	<i>18</i>
<i>Reglugerð nr. 401 Úthlutunarreglur</i>	<i>18</i>

I. kafli: Almenn

Reglugerð nr. 100 **Almenn um lög, reglur, reglugerðir og útgefin skjöl**

Öll skjöl sem ÍSS gefur út eru reglur, reglugerðir eða lög.

Þetta á, meðal annars, við um Mótahandbók, Grunnprófshandbók, Handbók starfsfólks á panel, Skautum Regnbogann, Viðmið í landsliðshópa, keppnisreglur, dómaraþlöð eða hver önnur þau skjöl sem gefin eru út og farið verður eftir við rekstur skautaiþróttanna.

Reglur og reglugerðir skal gefa út á íslensku. Skjöl sem gefin eru út af ÍSS á öðrum tungumálum, teljast ekki til eiginlegra reglna eða reglugerða. Útgáfudagur hvers skjals er sú dagssetning er innihald þess tekur gildi nema annað sé tekið fram. Alltaf skal fara eftir nýjasta skjalinu komi til ósamræmis milli skjala, þó geta engin útgefin skjöl breytt keppnisreglum. Allar gildandi reglur eru aðgengilegar aðildafélögum annað hvort á vefsíðu Skautasambandsins eða sameiginlegri efnisveitu.

Reglugerð nr. 110 **Aðildar- og iðkendagjöld**

Aðildarfélag ÍSS greiða aðildargjald til ÍSS sem er föst upphæð ákveðin af stjórn ÍSS. Gjaldmáli aðildargjalda er 1. september ár hvert.

Aðildargjaldið er aðgangur félaganna að grunnþjónustu ÍSS s.s. menntunar þjálfara, almennrar fræðslu og Skautum Regnbogann og varðar hinn almenna iðkanda.

Virkur iðkandi aðildarfélags ÍSS greiðir iðkendagjald til ÍSS sem er föst upphæð ákveðin af stjórn. Gjaldmáli iðkendagjalda er einu sinni á hvorri önn, 1. janúar og 1. júlí, ár hvert fyrir hvern virkan iðkanda. Aðildarfélag innheimta gjaldið og greiða til ÍSS.

Virkur iðkandi telst sá sem hefur greitt gjald fyrir fulla önn.

Reglugerð nr. 111 **Siðareglur ÍSS**

ÍSS starfar eftir siðareglum ÍSÍ og ISU. Í samræmi við þær siðareglur setur stjórn siðareglur ÍSS.

Þessar siðareglur eiga við um stjórn ÍSS, aðildarfélag og stjórnir þeirra, starfsmenn, sjálfboðaliða, keppendur, þjálfara, foreldra og hvern þann sem kemur að viðburðum og starfsemi skautaiþróttanna og er þeim skylt að fara eftir þeim.

Kynntu þér og tileinkaðu þér siðareglur sem hér er að finna. Komdu fram af fullkomnum heilindum og láttu framkomuna endurspegla viðhorf þitt til grundvallarreglna og markmiða Skautasambands Íslands.

1. Lestu og kynntu þér reglur ÍSS og láttu framkomu og hegðun endurspegla þær.
2. Hafðu að leiðarljósi heiðarleika, hlutleysi og sanngirni í samskiptum.
3. Sýndu fordæmi með íþróttamannslegri hegðun og gagnkvæmri virðingu.
4. Á íþróttaviðburði er óheimilt að:
 - Neyta eða hafa í fórum sér fíkniefni
 - Taka beint eða óbeint þátt/aðstoða við brot á lyfjareglum eða annarri brotlegri hegðun. Með slíkri hegðun er komið óorði á skautaiþróttir og sýnir að auki ungum einstaklingum slæmt fordæmi.

5. Sýndu ávallt virðingu gagnvart skauturum, þjálfurum, sjálfboðaliðum og starfsfólki. Meirihluti iðkenda er á mótunarárum sínum og skal því hafa aðgát í nærveru sálar að leiðarljósi.
6. Verandi hluti af íþróttaviðburðum tekur viðkomandi þátt í mótun og ímynd skautaíþróttá út á við og skal því haga sér eftir því. Viðkomandi gerir sér grein fyrir að hvort heldur sem jákvæð eða neikvæð orðræða og hegðun þ.m.t. á samfélagsmiðlum hefur áhrif á ímynd skautaíþróttá.
7. Ekki skal misbjóða virðingu og sanngirni einstaklinga á forsendum kynferðis, þjóðernis, kynþáttar, litarhafts, menningar, tungumáls, trúarbragða, kynhneigðar og skoðana.
8. Með öllu er óheimilt að taka við eða gefa gjafir ef verðmæti þeirra er umfram það sem eðlilegt getur talist. Að sama skapi er ekki heimilt að þiggja gjafir í skiptum fyrir greiða sem af hlýst brot á siðareglum.
9. Óheimilt er að stunda veðmál í tengslum við keppnishald eða viðburði sem tengjast skautaíþróttum.
10. Sýndu hlutleysi í samskiptum. Komi upp hagsmunaárekstur vegna máls sem tengist beint persónulegum málum skal viðkomandi draga sig úr umræðu, mati eða kosningu þess málefnis sem um ræðir.
11. Misnotaðu ekki stöðu þína og vald. Hvers kyns ofbeldi, andlegt, líkamlegt eða kynferðislegt, verður ekki liðið.
12. Sérfræðingum innan ÍSS er heimilt að taka þátt í opinberri umræðu í fjölmiðlum ef umfjöllunin er hluti af stærri viðburði sem og ef viðkomandi gerir sér grein fyrir að mikilvægt er að ræða skautaíþróttir í jákvæðu og uppbyggilegu ljósi á hlutlausan hátt þar sem þess er gætt að ekki halli á einn fremur en annan.
13. Sem fulltrúi ÍSS og skautaíþróttá almennt gerir viðkomandi sér grein fyrir að gerist hann brotlegur á siðareglum ÍSS getur það haft áhrif á mat til frekara samstarfs.

Siðareglur byggja á heiðarleika og siðferði hvers einstaklings sem reglurnar eiga við um. Brot á siðareglum skal vísað til Stjórnar ÍSS til frekari skoðunar.

Einstaklingum sem hafa hlotið refsidóma vegna brota á ákvæðum XXII. kafla almennra hegningarlaga, nr. 19/1940 er óheimilt að starfa innan skautaíþróttá. Þetta gildir bæði um þá einstaklinga sem starfa sem sjálfboðaliðar og launþegar.

Reglugerð nr. 112 **Lyfjæftirlit**

Lyfjæftirlit Íslands sér um framkvæmd lyfjæftirlits meðal íþróttafólks á Íslandi. Lyfjæftirlitið starfar samkvæmt reglum Alþjóðalyfjæftirlitsstofnunarinnar, WADA.

Hlutverk lyfjæftirlits er fyrst og fremst að vernda hreint íþróttafólk og standa vörð um að íþróttir séu iðkaðar á jafnréttisgrundvelli.

Íþróttamaður sem keppir hvort heldur er innanlands eða á alþjóðavettvangi, má eiga von á að vera boðaður í lyfjapróf hvar og hvenær sem er. Lyfjæftirlitið getur verið framkvæmt á keppnisstað í tengslum við keppni, eða utan keppni, t.d. á æfingu eða heima hjá viðkomandi keppanda, án nokkurrar viðvörunar. Viðurkenndir lyfjæftirlitsaðilar sjá um framkvæmd eftirlitsins.

Íþróttamenn sem taka lyf að staðaldri þurfa að athuga hjá sínum læknum hvort að lyfin eða skammtastærð þeirra er óleyfileg samkvæmt WADA. Allir íþróttamenn þurfa að halda sér upplýstum um uppfærslur á bannlista WADA.

Allir sem koma að skautaíþróttum á Íslandi þurfa að lúta lyfjareglum Íþróttá og ólympíusambands Íslands, ÍSÍ, og Alþjóða skautasambandsins, ISU og WADA.

Reglugerð nr. 113 **Vanhæfi**

Stjórnar-/nefndarmanni ber að víkja úr sæti við meðferð og afgreiðslu mála þegar það varðar hann eða nána venslamenn hans svo sérstaklega að almennt má ætla að afstaða hans mótist að einhverju leyti þar af.

Stjórnar-/nefndarmaður er vanhæfur til meðferðar máls:

- Sé hann aðili máls.
- Tengist málsaðila fjölskylduböndum.
- Ef aðstæður draga óhlutdrægni hans í efa með réttu.

Gerri stjórnar-/nefndarmaður sér grein fyrir að hagsmunaaárekstrar muni skapast skal hann vekja athygli á því. Honum er heimilt við meðferð máls sem vanhæfi hans nær til að gera grein fyrir afstöðu sinni.

Stjórnar-/nefndarmaður eða starfsmaður sem vanhæfur er við úrlausn máls skal yfirgefa fundinn og þess getið í fundargerð.

Reglugerð nr. 114 - 119 frátekna

Reglugerð nr. 120 Merkingar og auglýsingar

Allar merkingar og auglýsingar á fatnaði skulu vera í samræmi við ISU reglu 102 í Constitution and General Regulations.

Þetta á við um alla íslenska keppendur og fylgdarlið þeirra.

Í keppnisferðir á vegum ÍSS skulu keppendur sem keppa á vegum ÍSS, þjálfarar og aðrir í fylgdarliði, eingöngu hafa merkingar og auglýsingar styrktaraðila ÍSS á fatnaði sínum

Reglugerð nr. 121 - 129 frátekna

Reglugerð nr. 130 Skautari ársins

Stjórn ÍSS veitir í árslok viðurkenningu til skautara þyki einhver hafa skarað fram úr á árinu. Hægt er að veita titil til konu og karls og heita titlarnir „Skautakona“ og „Skautakar“.

Skautari skal vera a.m.k. 16 ára á árinu.

Valið fer fram í desember og veitir afreksnefnd stjórn ÍSS faglega ráðgjöf um valið.

Við ákvarðanatöku er meðal annars haft að leiðarljósi gengi á alþjóðlegum mótum, ÍSS mótum og/eða sambærilegum mótum á almanaksárinu ásamt íþróttamannslegri framkomu og jákvæðrar fyrirmyndar.

Reglugerð nr. 131 Heiðursverðlaun og Heiðursmerki ÍSS

Stjórn ÍSS getur veitt þeim Heiðursmerki ÍSS sem unnið hafa af atorku og dugnaði að vexti og viðgangi skautaíþróttar. Heiðursmerki ÍSS skal veita á Skautaþingi eða við tilefni er stjórn ÍSS ákveður. Stjórn skal vera einróma um veitingu merkisins. Listi yfir Heiðursmerki ÍSS sem hafa verið gefin skal birta í skýrslu á skautaþingi ár hvert ásamt því að vera aðgengilegur á vefsíðu ÍSS. Mest má veita 4 heiðursmerki á ári.

Heiðursmerki ÍSS eru 3 talsins.

Silfurmerki ÍSS

Merki þetta er merki ÍSS úr silfri og má veita þeim sem hafa unnið ötult og óeigingjarnt starf í þágu skautaiþróttu á Íslandi í 10 ár. Þó getur stjórn ÍSS sæmt menn silfurmerki, ef sérstök ástæða þykir, án þess að 10 ára starfi sé náð. Einnig er hægt að sæma menn silfurmerki eftir langan feril sem landsliðsmaður og/eða landsliðsþjálfari.

Gullmerki ÍSS

Merki þetta er merki ÍSS úr gulli og má veita þeim sem hafa unnið ötult og óeigingjarnt starf í þágu skautaiþróttu á Íslandi í 20 ár. Þó getur stjórn ÍSS sæmt menn gullmerki, ef sérstök ástæða þykir, án þess að 20 ára starfi sé náð.

Heiðursstjarna ÍSS

Merki þetta er merki ÍSS á stjórnun í litum sambandsins með borða í íslensku fánalitunum.

Heiðursstjarna ÍSS er æðsta viðurkenning ÍSS og veitist aðeins undir sérstökum kringumstæðum þeim sem unnið hafa skautaiþróttum á Íslandi samfellt gagn megnið af uppvexti og starfsævi sinni. Heiðursstjórnun skal einnig fylgja sérstakt heiðurskjal.

Reglugerð nr. 132 – 199 frátekna

II.kafli: Nefndir ÍSS

Reglugerð nr. 200 Fastanefndir ÍSS og meðhöndlun skjala

Nefndir ÍSS skulu að lágmarki hafa 3 meðlimi: Fastir titlar eru formaður, varaformaður og ritari. Aðrir meðlimir eru meðstjórnendur. Stjórn ÍSS skipar hverri nefnd áheyrnarfulltrúa.

Stjórn skal kjósa formann nefnda og, í samráði við hann, samstarfsmenn hans. Heimilt er að bjóða sig fram í nefnd ef áhugi er fyrir hendi og ef viðkomandi uppfyllir inntökuskilyrði viðkomandi nefndar.

Skipað er í nefndir til eins árs í senn og skal starfstímabil þeirra vera keppnistímabilið. Ef nefndarmaður forfallast til lengri tíma skal nýr fulltrúi tilnefndur í hans stað af stjórn ÍSS, í samvinnu við formann viðkomandi nefndar.

Fastanefndir ÍSS eru skv. 14.gr. laga:

- Mótanefnd
- Afreksnefnd
- Laganefnd
- Dómara- og tækninefnd
- Þjálfunar- og fræðslunefnd

Allar fastanefndir ÍSS skulu hafa stefnumótun og framþróun skautaiþróttanna að leiðarljósi.

Verkaskipting skal vera eftirfarandi:

Formaður:

- Sér um að boða fundi nefndarinnar og stjórna þeim.
- Er samstarfsaðili áheyrnarfulltrúa stjórnar ÍSS.
- Skal sitja fundi með stjórn ÍSS þegar tillögur ráðsins eru kynntar ef þess er óskað.
- Úthlutar verkefnum, stýrir fundum og fylgir eftir að verkefni séu fullkláruð áður en þau eru send til stjórnar.

Varaformaður: er staðgengill formanns í fjarveru hans.

Ritari: ritar fundi og sendir fundargerðir á nefndarmeðlimi og tengilið stjórnar innan við viku frá fundi.

Meðstjórnendur: Skulu vinna að stefnumótun mála og taka að sér verkefni sem þarfnast úrlausnar.

Áheyrnarfulltrúi stjórnar: Hefur heimild til að sitja fundi nefndar sem áheyrnarfulltrúi en hefur ekki atkvæðarétt.

Ef einn eða fleiri nefndarmenn eru ekki íslenskumælandi skulu samskipti fara fram á ensku.

Nefndir skulu hittast reglubundið yfir tímabilið og sinna þeim málefnum sem falla undir verksvið þeirra á tilsettum skilafresti. Fundargerðir skulu ritaðar og sendast á nefndarmeðlimi innan við viku frá fundi. Tillögur nefnda skulu vera skriflegar og rökstuddar og sendast til stjórnar til yfirferðar og samþykktar. Hafi stjórn athugasemd við einhver atriði skal tillagan send aftur til frekari útskýringar og/eða rökstuðnings áður en hún er endanlega afgreidd.

Lýðræði gildir um störf nefndanna sem þýðir að meirihluti atkvæða kveður á um úrskurð, að öðrum kosti er hægt að gera grein fyrir séráliti til að koma öllum skoðunum á framfæri en ætíð skal skila meirihlutaáliti til stjórnar.

Öll skjöl sem byggð eru á tillögum nefndar skulu send nefndarmeðlimum til samþykktar áður en þau eru lögð fyrir stjórn og síðar birt opinberlega. Breytingatillögur er skarast milli nefnda skulu unnar í samráði milli nefnda áður en þær eru teknar fyrir hjá stjórn. Formleg samskipti milli nefnda skulu fara fram í gegnum formenn.

Nefndarmeðlimir skulu starfa eftir siðareglum ÍSS, ÍSÍ og ISU, sem og öðrum almennum reglum og reglugerðum ÍSS.

Meðhöndlun skjala

Í samræmi við lög Persónuverndar skulu skjöl og önnur gögn sem eiga við um störf nefnda sem/og stjórnar ÍSS ætíð meðhöndlust sem trúnaðargögn og sem eign Skautasambandsins.

Nefndir hafa tölvupósta og geymslusvæði á sameiginlegu drifi þar sem samskiptum og gögnum skal haldið til haga. Óheimilt er með öllu að eyða gögnum eða samskiptum er varða starfsemina og almenna nefndarvinnu.

Gögn sem unnin eru á vegum nefnda eru eign Skautasambandsins og skulu nefndarmeðlimir sjá til að þau séu á gagnasvæðum Skautasambandsins við lok nefndarsetu.

Reglugerð nr. 201 Dómara- og tækninefnd

Skipun dómara- og tækninefndar

Dómara- og tækninefnd skal skipuð úr röðum dómara og tæknisérfræðinga er hafa landsréttindi eða hærrí. Leitast skal eftir að að lágmarki einn nefndarmeðlimur hafi alþjóðleg dómara-/tæknidómararéttindi frá ISU. Formaður skal kosinn af stjórn sem síðan velur sér nefndarmenn í samstarfi/samráði við stjórn.

Virkir iðkendur, stjórnarmenn eða starfsmenn félaga, aðrir en þjálfarar, geta ekki átt sæti í nefndinni. Starfi nefndarmeðlimur einnig sem þjálfari skal viðkomandi vera meðvitaður um siðareglur ÍSS þ.m.t. vanhæfi og aðskilnað dómara og þjálfara.

Verkefni dómara- og tækninefndar

Árleg verkefni nefndarinnar eru:

- Tæknileg framkvæmd móta:
 - Uppfærsla á íslenskum keppnisreglum í dómakerfinu (ISU-calc) og öðrum viðurkenndum keppniskerfum.
 - Uppsetning dómakerfa
 - Staðfesting á uppsetningu dómara- og tæknipanels allra móta
 - Fara yfir framkvæmd móta vetrarins og koma með tillögur til úrbóta eftir þörfum.
- Endurskoða keppnisreglur og grunnpróf allra keppnisflokka sem og dómaraþlög fyrir lok hvers keppnistímabils.
- Uppfærsla á Handbók starfsfólks á panel
- Aðstoða við skipulag og framkvæmd menntunar fyrir dómara, tæknidómara og aðra á panel. Námskeið skal haldið að lágmarki einu sinni á ári.
- Yfirfara viðmið í landsliði í samráði við Afreksnefnd.
- Verkefni sem stjórn ÍSS felur nefndinni eða sem nefndin tekur upp af sjálfdáðum og tengist eðli nefndarinnar.

Reglugerð nr. 202 Þjálfunar- og fræðslunefnd

Skipun þjálfunar- og fræðslunefndar

Nefndin skal skipuð fulltrúum úr hópi þjálfara, dómara og tæknifólks.

Virkir iðkendur, stjórnarmenn eða starfsmenn félaga, aðrir en þjálfarar, geta ekki átt sæti í nefndinni.

Verkefni þjálfunar- og fræðslunefndar

Nefndin sér um menntun fagfólks á sviði þjálfunar og dómgæslu og almenna fræðslu og útbreiðslu skautaíþróttar, s.s. námskeiðshald og fyrirlestra.

Nefndin vinnur að málefnum varðandi prófakerfi ÍSS m.a. Skautum regnbogann, grunnprófum og uppfærslu Grunnprófshandbókar.

Árleg verkefni nefndarinnar eru:

- Endurskoðun á kerfinu Skautum regnbogann.
- Skipulagning þjálfaranáms og framkvæmd. Námskeið skal haldið að lágmarki annað hvert ár.
- Skipulagning og framkvæmd á námi dómara og tæknifólks.
- Yfirferð grunnprófa og Grunnprófshandbókar í samstarfi við dómara- og tækninefnd.

Reglugerð nr. 203 Afreksnefnd

Skipun Afreksnefndar

Afreksnefnd skal skipuð einstaklingum sem hafa viðamikla þekkingu á sviði þjálfunar eða dómgæslu. Virkir iðkendur, stjórnarmenn eða starfsmenn félaga, aðrir en þjálfarar, geta ekki átt sæti í nefndinni. Nefndarmenn skulu ekki koma að þjálfun iðkenda sem nefndin fjallar um eða á afreksstigi. Hlutleysi meðlima gagnvart þeim einstaklingum sem verkefnin beinast að þarf að vera til staðar og því mega þeir ekki koma að daglegri þjálfun þess hóps skautara sem um ræðir.

Nefndin vinnur eftir útgefnum viðmiðum ÍSS um val í landsliðshópa. Nefndin getur tekið afstöðu ef upp koma veikindi, slys eða aðrar gildar ástæður sem aftra skauturum að uppfylla kröfur um þátttöku á mótum sem notuð eru til viðmiða í landsliðshóp. Öllum vottorðum um slík forföll skal komið til nefndarinnar til yfirferðar og umfjöllunar og sendast á afreksnefnd@iceskate.is.

Árleg verkefni afreksnefndar:

- Staðfesting, eftirfylgni og utanumhald á viðmiðum og árangri skautara í afrekshóp og afreksefna með reglulegri yfirferð á protocolum.
- Val á landsliði/íþrottamönnum í verkefni á vegum ÍSS þ.m.t ISU mót sem og námskeið sem sent er á á vegum ÍSS.
- Fjalla um og samþykkja þátttökurétt keppenda á mót sem þeir óska eftir að taka þátt í.
- Fulltrúi frá Afreksnefnd skal vera viðstaddur öll mót á vegum Skautasambands Íslands á hverju tímabili.
- Val á skautara ársins, skal skilast árlega til stjórnar viku eftir Íslandsmót .
- Endurskoðun á viðmiðum ÍSS.
- Stefnumótun afreksmála ÍSS, í samvinnu við stjórn ÍSS.
- Önnur verkefni sem stjórn ÍSS felur nefndinni eða sem nefndin tekur upp af sjálfsdáðum og tengist eðli nefndarinnar.

Niðurstöðum nefndarinnar ásamt rökstuðningi skal haldið til haga í skýrslu og komið til stjórnar ÍSS til staðfestingar. Þurfi að víkja frá útgefnum viðmiðum ber að rökstyðja niðurstöðu nefndarinnar í skýrslunni.

Verkefni Afreksnefndar snúa fyrst og fremst að einstaklings listskauturum. Þegar aðrar sérgreinar bætast við munu verkefni og vinna nefndarinnar vera aðlöguð að breyttu landslagi.

Reglugerð nr. 204 Mótanefnd

Skipun mótanefndar

Nefndin er opin þeim sem hafa áhuga til að koma að vinnu mótamála, þó ekki stjórnarmenn eða starfsfólk félaga. Að auki skal hvert aðildarfélag skipa mótstjóra fyrir hvert keppnistímabili eigi síðar en 1. júlí ár hvert. Mótstjórar þessir eru tengiliðir milli mótanefndar ÍSS og aðildarfélags síns ásamt því að aðstoða við mönnun sjálfboðaliða á alþjóðlegum mótum á vegum Skautasambands Íslands.

Mótanefnd ÍSS skipar eftirlitsaðila á mótum og er sá fulltrúi viðstaddur á meðan á móti stendur.

Verkefni mótanefndar:

- Hafa eftirlit með framkvæmd á öllum mótum á Íslandi og yfirumsjón með öllum ÍSS mótum.
- Árleg endurskoðun og uppfærsla útgefna gagna um mótamál s.s. mótahandbók, leiðbeiningar fyrir kynni og öðrum gögnum er innihalda reglur um mótahald á Íslandi.
- Sjá til þess að aðildarfélög tilkynni mótahald til ÍSS, skili mótaskýrslum og að mót fari fram í samræmi við Mótahandbók ÍSS.
- Mótanefnd skilar heildarskýrslu fyrir mótahald keppnistímabilsins til stjórnar ÍSS í lok tímabilsins, eigi síðar en 1. júní ár hvert.
- Sjá um árlegt námskeið fyrir mótshaldara og mótsstjóra aðildarfélaga.

Reglugerð nr. 205 Laganefnd

Skipun laganefndar

Nefndarmenn skulu hafa viðamikla þekkingu á starfsemi skautaíprótta.

Verkefni laganefndar

Nefndin vinnur að endurskoðun laga og reglugerða ÍSS og annarra opinberra skjala til samræmingar og/eða leiðréttingar. Laganefnd skal einnig sjá um að semja tillögur til laga- og/eða reglugerðabreytinga.

Laganefnd skal yfirfara öll skjöl, er innihalda reglur, og koma með tillögur að úrbótum ef þurfa þykir. Stjórn skal upplýsa nefndina um öll þau skjöl sem gefin eru út.

Allar tillögur að reglugerðabreytingum skulu rökstuddar og lagðar fyrir stjórn til endanlegrar umfjöllunar.

Laganefnd getur, ef ástæða er til, skilað álitum um einstakar og augljósar villur í lögum sem gætu orðið tilefni til deilna eða mistúlkunar.

Nefndin skal skila álitgerð og tillögum að lagabreytingum til stjórnar ÍSS að minnsta kosti fjórum vikum fyrir skautaping.

Reglugerð nr. 206 - 219 frátekna

Reglugerð nr. 220 Kjörnefnd

Skipun Kjörnefndar

Kjörnefnd og formaður hennar eru skipuð af stjórn ÍSS eigi síðar en 1. febrúar ár hvert skv. 7. grein laga og starfar eftir siðareglum ÍSS og ISU. Nefndin skal koma saman 2-3 sinnum fram að þingi til að skipuleggja starf sitt.

Hvert aðildarfélag skal eiga fulltrúa í nefndinni.

Verkefni kjörnefndar

Hlutverk kjörnefndar er að taka á móti framboðum í stjórn og varastjórn ÍSS og er eftirlitsaðili kosninga á skautapingi.

1. Í upphafi starfstíma gefur kjörnefnd út auglýsingu um framboð til stjórnar og varastjórnar sem gefin er út á vefsíðu ÍSS sem og sent til aðildafélaga.
2. Berist ekki framboð innan tilskilins frests hefur nefndin heimild til að framlengja framboðsfrest. Miða skal við að framlenging framboðsfrests sé 10 dagar.
3. Nefndin skal halda utan um framboð. Senda skal út stutta lýsingu á umræddum frambjóðendum fyrir aðildafélög þegar seinna fundarboð er sent út.
4. Fari svo að framboð berist ekki skal nefndin vinna að því að finna framboð til stjórnar.

Nefndin fær til umráða netfangið kjornefnd@iceskate.is. Allar auglýsingar og gögn sem send eru út frá kjörnefnd skulu gerð í samráði við skrifstofu sambandsins.

Reglugerð nr. 211_ - 299 frátekna

III. kafli: Mót og starfsfólk skautaiþróttá

Reglugerð nr. 300

Mót

ÍSS skilgreinir allt mótahald á Íslandi og hefur mótanefnd ÍSS umsjón með að það sé í samræmi við reglur.

Mót eru skipulagðar keppnir á skautum þar sem keppendur eru dæmdir og verðlaun eða viðurkenningar eru veittar. Við mótahald skal að öllu leiti fara eftir mótahandbók.

ÍSS fylgir að auki Móta- og keppendareglum ÍSÍ og ISU.

Mót á Íslandi skiptast í eftirfarandi flokka: Alþjóðleg mót á lista ISU (Open International Competition), Alþjóðleg millifélagamót (Interclub), ÍSS mót, Special Olympics (SO) mót, Adaptive Skating (AS) mót, millifélagamót og innanfélagsmót.

Mótshaldarar og yfirdómarar móta skila skýrslum um þau mót er þeir bera ábyrgð á.

ÍSS heldur Íslandsmót sem skiptist í Íslandsmót barna og unglunga annars vegar og Íslandsmeistaramót hins vegar. Önnur ÍSS mót eru haldin af aðildarfélögum í samvinnu við ÍSS og skal mótaskrá uppfærð árlega, eigi síðar en 1. maí.

Alþjóðleg mót sem haldin eru af ÍSS, RIG og Norðurlandamót, eru haldin í samvinnu við aðildarfélög.

Reglugerð nr. 301

Keppnis- og keppendareglur

Keppnistímabilið er frá 1. júlí til 30. júní, sbr. reglur ISU og skal aldursskipting í keppnisflokka miðast við aldur keppenda 1. júlí.

ÍSS skilgreinir keppnisflokka á Íslandi og gefur út keppnisreglur annarra flokka en skilgreindra ISU flokka.

Keppniskrefinu er skipt upp í eftirfarandi leiðir: Keppniskerfi ÍSS, Keppniskerfi félaga, Special Olympics (SO) og Adaptive Skating (AS).

Til að öðlast þátttökurétt á ÍSS mótum þarf keppandi að vera félagsbundinn aðildarfélagi ÍSS og uppfylla keppniskröfur hverrar keppnisgreinar.

Keppnisreglur

Keppnisreglur skulu yfirfarnar af dómara- og tækninefnd í samræmi við reglugerð um dómara- og tækninefnd.

Reglugerð nr. 302

Félagaskipti

Sá sem óskar félagaskipta og uppfyllir hlutgengi ÍSS skal skila til ÍSS yfirlýsingu um félagaskiptin á þar til gerðu eyðublaði sem finna má á heimasíðu ÍSS. Tilkynningar á öðru formi eru ekki teknar gildar.

Það er á ábyrgð iðkandans, eða forráðamanna hans, að félagaskiptin fari rétt fram.

Iðkendum er heimilt að skipta um félag einu sinni á hverju keppnistímabili nema sérstakar ástæður séu fyrir hendi.

Hafi reglum um félagaskipti verið fylgt tilkynnir ÍSS til iðkandans og nýja félagsins frá og með hvaða tíma hann telst gjaldgengur. Slíkur frestur er þó aldrei styttri en fimm vikur frá því að tilkynningin um félagaskiptin er staðfest af ÍSS.

Reglugerð nr. 303 - 309 frátekna

Reglugerð nr. 310 Um Íslandsmeistaratitil

Á Íslandsmóti skal keppt um **Íslandsmeistaratitil** í eftirfarandi keppnisflokkum innan listskauta: Advanced Novice, Junior og Senior og innan skautahlaups: Junior og Senior. Íslandsmeistari getur eingöngu orðið skautari sem keppir fyrir aðildarfélag ÍSS, samkvæmt Móta- og keppendareglum ÍSÍ.

Komi til þess að fella þurfi niður Íslandsmeistaramót vegna óviðráðanlegra aðstæðna þá hefur stjórn ÍSS heimild til þess að ákveða hvort eða hvenær skuli veita Íslandsmeistaratitil.

Komi til þess að færri en þrjú(3) skautarar/pör/lið eru skráð til keppni í tiltekinni keppnisgrein er hægt að veita Íslandsmeistaratitil á móti sem fer fram utan Íslands. Mótið þarf að vera valið og samþykkt af ÍSS.

Reglugerð nr. 311 Bikarmótaröð

Bikarmótaröð er röð ÍSS móta þar sem félög safna stigum og krýndur er Bikarmeistari á síðasta mótinu í lok mótaráðarinnar.

Félag verður bikarmeistari mótaráðar og tekur lið þess á móti bikarnum í lok móts.

Þau mót sem falla undir Bikarmótaröð eru tilkynnt af ÍSS í upphafi keppnistímabils. Bikarmeistari verður krýndur á síðasta móti mótaráðarinnar.

Komi til þess að fella þurfi niður mót í Bikarmótaröð vegna óviðráðanlegra aðstæðna getur stjórn ÍSS ákveðið tímabundnar breytingar á reglum um Bikarmótaröð svo krýna megi bikarmeistara.

Stigagjöf og birting úrslita

Stig eru gefin í hverjum þeim keppnisflokki er hefur keppendur á viðkomandi móti frá öllum aðildarfélögum. Stig eru gefin til þess skautara er efst kemur frá hverju félagi fyrir sig. Einum frá hverju félagi. Félagið safnar stigum í bikarmótaröðinni yfir árið í þeim flokkum sem öll félög taka þátt í.

Séu ekki keppendur frá öllum félögum í neinum keppnisflokki á einstöku móti innan Bikarmótaráðar skulu stig reiknuð í þeim keppnisflokkum þar sem einungis vantar eitt félag. Stig sem gefin eru: 15 stig, 13 stig, 11 stig. Séu þátttökufélög fleiri en þrjú skulu gefin stig með tveggja stiga millibili (9 stig, 7 stig, o.s.frv.).

Birting og ut anumhald úrslita skal vera á forsvari skrifstofu ÍSS og vera opinber á heimasíðu ÍSS.

Fyrirkomulag verðlaunaafhendingar má finna í Mótahandbók.

Bikar

Bikarmótaröð fylgir farandbikar, veggplatti og eignarbikar.

Farandbikarinn fær það félag sem sigrar bikarmótaröðina hverju sinni til varðveislu. Á bikarnum skal standa „Bikarmeistari ÍSS“. Bikarinn skal varðveittur á áberandi en öruggum stað í félagi bikarmeistara í eitt ár. Koma skal bikarnum til ÍSS a.m.k. mánuði fyrir lokamót bikarmótaraðarinnar. Félag bikarmeistara ber fulla ábyrgð á bikarnum á meðan hann er í þeirra vörslu og bætir skemmdir á honum verði þær einhverjar.

Veggplatti er varðveittur á skrifstofu ÍSS. Á honum skal standa Bikarmeistarar ÍSS. Árlega skal láta grafa nafn félags og ártal er það verður bikarmeistari á lítinn skjöld sem festur er á veggplattann eftir lok bikarmótaraðar.

Bikarmeistari hvers árs fær minni bikar til eignar. Skal grafið á hann „Bikarmeistari ÍSS“ og ártal.

Reglugerð nr. 312 - 319 frátekna

Reglugerð nr. 320 Skautum regnbogann

Skautum regnbogann er kerfi fyrir skautaskóla til eflingar á grunnskautun í umsjón skautafélaga landsins en yfirumsjón er í höndum Skautasambands Íslands.

Kennsla í kerfinu fer fram hjá skautafélögnum og byggist á hópkenntu sem framkvæmd er af þjálfurum sem hafa lokið að lágmarki þjálfararéttindum á fyrsta stigi.

Skautum regnbogann skiptist í 7 stig. Hægt er að fara í gegnum stigin óháð tíma eða röð í samráði við þjálfara. Þegar skautari hefur náð öllum stígnum hjá félagi sínu, hefur hann öðlast rétt til að þreyta grunnpróf.

Reglugerð nr. 321 Grunnpróf

Standast þarf grunnpróf í viðkomandi keppnisflokkum til þess að geta keppt í keppnislínu ÍSS.

Skautasamband Íslands gefur út Handbók um Grunnpróf og skal framkvæmd grunnprófa vera í samræmi við hana.

Dómarar, tæknistjórnendur (TC) og tæknisérfræðingar (TS) skulu hafa réttindi skv. Handbók fyrir starfsfólk á panel.

Dómarablöð grunnprófa eru formleg prófgögn ÍSS.

Reglugerð nr. 322 - 329 frátekna

Reglugerð nr. 330 Dómarakerfi og tæknibúnaður

ÍSS notar eftirfarandi dómarakerfi:

- International Judging System (IJS), alþjóðadómarakerfi ISU
- Dómarakerfi Félagalínu
- Dómarakerfi SO og AS
- Alþjóða dómarakerfi SO

Útfærslur dómarakerfa má sjá í Mótahandbók.

Reglugerð nr. 331
Starfsfólk dómara- og tæknipanela

Allir starfsmenn sem sitja á dómara- og/eða tæknipanel á mótum á Íslandi fyrir hönd ÍSS eru menntaðir af ÍSS skv. reglum ISU og ÍSS eða eru staðfestir af sínu landssambandi.

Allir dómarar, tæknistjórnendur/-sérfræðingar og tæknifólk þurfa að kunna góð skil á þeim kerfum sem réttindi þeirra segja til um og afla sér reglulega upplýsinga um breytingar hafi þær átt sér stað. Byrjendur skulu sitja sem æfingadómarar.

Dómarar, tæknistjórnendur/-sérfræðingar skulu hafa góð tök á enskri tungu bæði í riti og máli, temja sér góðan samskiptamáta og geta starfað í hópi undir álagi.

Dómarar, tæknistjórnendur/-sérfræðingar, sem fá boð um að starfa á mótum erlendis ber að láta ÍSS vita um leið og slíkt boð berst. ÍSS getur farið fram á að mót á vegum sambandsins sé tekið fram yfir mót erlendis.

Dómarar og tæknistjórnendur/-sérfræðingar skulu skila skýrslu um störf sín til ÍSS fyrir 15. júní árlega.

Reglur um námskeið, stigakerfi og vinnuskyldu starfsfólks á panel eru gefnar út í Handbók starfsfólks á panel.

Reglugerð nr. 332
Dómarar og starfsmenn panela á mótum

Alþjóðleg mót á lista ISU (Open International Competition)	ÍSS mannar mótin skv. reglu 107 og 121 ISU Constitutions and General Regulations.
Alþjóðleg millifélagamót (Interclub)	Skulu dómarar, tæknistjórnendur (TC) og tæknisérfræðingar (TS) vera að lágmarki með landsdómararéttindi. Yfirdómari skal vera með alþjóðleg dómararéttindi og yfirdómararéttindi frá sínu landi.
ÍSS mót – ISU, Advanced Novice, Junior og Senior	Dómarar, tæknistjórnendur (TC) og tæknisérfræðingar (TS) skulu að lágmarki vera með landsdómararéttindi. Þó má 1 dómari vera með lægri réttindi og 1 tæknisérfræðingur (TS) vera með lægri réttindi. Yfirdómari skal vera með yfirdómararéttindi frá sínu landi og minnst þriggja ára starfsreynslu á landsdómarastigi eða hærra.
ÍSS mót – aðrir flokkar	Dómarar, tæknistjórnendur (TC) og tæknisérfræðingar (TS) skulu að lágmarki vera með grunnréttindi. Yfirdómari skal vera með yfirdómararéttindi frá sínu landi og minnst réttindi sem landsdómari.
Innanfélags-/Millifélagamót í ÍSS flokkum	Dómarar, tæknistjórnendur (TC) og tæknisérfræðingar (TS) skulu að lágmarki vera með grunnréttindi. Yfirdómari skal vera með yfirdómararéttindi frá sínu landi og minnst grunnréttindi sem dómari.
Innanfélags-/Millifélagamót í félagalínu	Allir dómarar skulu minnst hafa réttindi til að dæma í félagalínu. Yfirdómari skal auk þess vera með yfirdómararéttindi frá sínu landi.
SO og AS	Allir dómarar skulu minnst hafa réttindi til að dæma í félagalínu. Yfirdómari skal auk þess hafa reynslu af dómgæslu í SO/AS.

Reglugerð nr. 333 - 335 frátekna

Reglugerð nr. 336 Reglur um val starfsmanna í verkefni á vegum ÍSS

Þegar starfsfólk er valið í verkefni á vegum ÍSS skal það uppfylla þær kröfur sem verkefnið krefst. Ef fleiri en eitt samskonar verkefni eru í boði er þeim skipt á milli einstaklinga. Ef ekki er hægt að skipta verkefnum á milli einstaklinga skal notast við eftirfarandi:

- Starfsaldur*
- Reynsla*
- Síndri vinnu á síðasta tímabili
Viðkomandi hefur sinnt ÍSS mótum
Viðkomandi hefur sinnt grunnprófum
Viðkomandi hefur sinnt aðildarfélögum ÍSS
Viðkomandi hefur haldið námskeið að beiðni ÍSS
Viðkomandi starfar í nefndum og/eða vinnuhópum innan ÍSS
- Áhuga viðkomandi á verkefni sem um ræðir
- Viðkomandi hefur sýnt frumkvæði að verkefnum sem heyra undir starfssvið hans

*Upplýsingar um starfsaldur og reynslu er safnað saman og geymdar hjá skrifstofu ÍSS.

Reglugerð nr. 337 – 359 frátekna

Reglugerð nr. 360 Þjálfaranám ÍSS

ÍSS hefur umsjón með menntun skautþjálfara á Íslandi. Námið er stiganám þar sem gert er ráð fyrir starfsnámi á milli stiga. ÍSS gefur út *Námsskrá sérgreinahluta*.

Þjálfarar skulu hafa gilt skyndihjálparskírteini á meðan þeir starfa.

Stig þjálfaranáms skiptist í:

1. Þjálfari 1

- A. Aðstoðarmaður eða leiðbeinandi 1a
- B. Aðstoðarþjálfari 1b
- C. Þjálfari 1c

2. Þjálfari 2

- A. Þjálfari 2a
- B. Þjálfari 2b
- C. Þjálfari 2c

3. Þjálfari 3

- A. Þjálfari 3

Þjálfarar sem menntaðir eru utan Íslands þurfa að skila upplýsingum um menntun og starfsreynslu áður en þeir geta sótt um verkefni á vegum ÍSS.

Reglugerð nr. 361 - 364 frátekna

Reglugerð nr. 365 Þjálfarar í verkefnum á vegum ÍSS

Markmið ÍSS er að eingöngu einstaklingar sem hafa viðamikla þekkingu á starfi með börnum, unglingum og ungu fólki, og starfa eftir reglum íþróttahreyfingarinnar, hafa möguleika á að taka þátt í verkefnum á vegum ÍSS.

Þjálfarar geta sótt um þátttöku í verkefnum ÍSS s.s. ferðum með landsliði, námskeiðum eða öðrum viðburðum, þar sem þeir eru fulltrúar Íslands og ÍSS.

Menntun:

Þjálfarar sem geta fylgt skautaurum í eða sótt um ofangreind verkefni þurfa að hafa lokið 2. Stigi þjálfaramenntunar ÍSS. Sé þjálfari ekki menntaður á Íslandi verður hann að senda upplýsingar um menntun sína og starfsreynslu til ÍSS þar sem þjálfunar- og fræðslunefnd metur réttindin education@iceskate.is

Þjálfari verður hafa gilt skyndihjálparskírteini.

Ljúka þarf netnámskeiðinu „Barnavernd“ sem haldið er á vegum Æskulýðsvettvangsins.

Krafa er að þjálfarar taki þátt í fræðsluviðburðum er ÍSS heldur auk Fræðsludags FSÍ sem haldinn er í samvinnu við ÍSS.

Gögn:

Undirrituðum siðareglum og leyfi fyrir uppflettingu í sakaskrá skal gefa við upphaf hvers keppnistímabils eða áður en umsóknarfrestur fyrir tiltekið verkefni rennur út. Þeir sem hafa starfað á Íslandi í minna en eitt ár þurfa að skila sakavottorði frá því landi sem þeir voru búsettir í síðast. Þeir sem eru valdir í verkefni á vegum ÍSS mega ekki hafa brotið siðareglur þær er skautahreyfingin starfar eftir.

Það er á ábyrgð þjálfara að koma umbeðnum gögnum til ÍSS hverju sinni og að öll skilyrði séu uppfyllt að öðrum kosti getur ÍSS hafnað umsókn þjálfara í verkefni.

Við mat á umsækjendum skal vinna út frá þeim skilyrðum sem skilgreind voru í lýsingu verkefnis og fram kom í auglýsingu. Ef velja þarf úr umsóknum mun stjórn ÍSS fara með valið.

III. kafli: Afrekssjóður ÍSS

Reglugerð nr. 400

Afrekssjóður

Stjórn ÍSS hefur sett upp afrekssjóð ÍSS. Í sjóðinn fara 60% afreksstyrks ÍSÍ ásamt sérmerktum styrkjum frá ISU. Fáir ÍSS aukna styrki sem sérmerktir eru afrekssjóð renna þeir óskertir í sjóðinn. Auk þess mun stjórn hafa það að markmiði að safna styrkjum til afreksmála og mun hluti af þeim verða látinn renna til sjóðsins sem og til almennrar uppbyggingar afreksmála eftir því sem tilefni gefur til.

Greiðslur úr Afrekssjóði ÍSS eru ætlaðar afreksstarfi sambandsins til handa afreksíþróttafólki sambandsins til að koma til móts beinan kostnað vegna keppnisþátttöku á erlendri grundu.

Keppendur sem náð hafa viðmiðum ÍSS í Afrekshóp eða Afreksefni geta sótt um styrk úr sjóðnum.

Umsóknarfrestur er 1. maí ár hvert og eru greiðslur greiddar út 15. maí ár hvert.

Viðmið og landslið ÍSS

Landslið ÍSS á hverjum tíma er valið úr Afrekshóp og /eða Afreksefnum fyrir hvert verkefni. Skautarar sem skilað hafa viðmiðum eru skráðir í viðeigandi hópa og bætast í hópinn jafn óðum yfir tímabilið um leið og viðmiðum er skilað inn. (Sjá Viðmið ÍSS fyrir gildandi tímabil).

Reglugerð nr. 401

Úthlutunarreglur

Úthlutunarreglur Afrekssjóðs ÍSS og landsliðsverkefni ÍSS

Stjórn ÍSS áskilur sér allan rétt til að velja keppendur á vegum Íslands til keppnisþátttöku á mót sem eru á opinberum lista ISU.

Evrópumeistaramót / Heimsmeistaramót / Heimsmeistaramót unglunga (ISU European Championships / ISU World Championships / ISU Junior Worlds)

Skautarar sem ná lágmarkum til þátttöku á ofangreind mót fá 100% styrk frá ÍSS. Greitt er fyrir ferðakostnað og gistingu fyrir skautara, einn þjálfara og einn liðsstjóra ásamt því að dagpeningar eru greiddir til þjálfara og liðsstjóra.

Junior Grand Prix (JGP)

ÍSS stefnir árlega að því að senda skautara á úthlutuð JGP mót.

ÍSS styrkir keppendur til að standa straum af kostnaði og greiðir hlutfall af heildarkostnaði.¹

- Skautarar í Afrekshóp fá 100% styrk
- Skautarar í Afreksefnum fá 60% styrk

Ferðakostnaður til og frá alþjóðaflugvelli og matarkostnaður greiðist af keppanda.

Þjálfari fær greidda dagpeninga samkvæmt gjaldskrá ÍSS á meðan á ferð stendur.

Séu báðir keppendur úr hópi afreksefna munu þeir greiða sömu upphæð, eða sem nemur 40% af meðaltali ferðanna. Sé einungis annar keppandinn úr hópi afreksefna greiðir hann sem nemur 40% af sinni ferð.

ISU Challenger Series

- Keppendur í Afrekshópi ÍSS geta sótt um ferðastyrk að hámarki tvisvar sinnum á tímabili vegna ferða á ISU mót. Styrkurinn nemur kr. 50.000,- fyrir hvert mót.
- Keppendur í Afreksefnum ÍSS geta sótt um ferðastyrk að hámarki tvisvar sinnum á tímabili vegna ferðar á ISU mót. Styrkurinn nemur kr. 30.000,- fyrir hvert mót.

EYOF

ÍSS styrkir keppanda um 50% af þeim kostnaði sem rukkaður er af ÍSÍ.

¹ Með heildarkostnaði er átt við samtölu af ferðakostnaði og gistingu fyrir skautara og einn þjálfara að meðtöldum dagpeningum.

Landsliðferð ÍSS á mót á lista ISU

ÍSS velur eitt ISU mót fyrir áramót sem flokkast til landsliðsverkefnis. Lágmarks þátttaka í landsliðsverkefni eru fjórir (4) keppendur. Það ISU mót sem verður fyrir valinu hvert keppnistímabil er styrkt að því leyti að-sambandið útvegar liðsstjóra. Liðsstjóri tekur á mótí hópnum á keppnisstað (eða á flugvelli í því landi þar sem keppni á sér stað) og fylgir honum eftir til aðstoðar og kemur keppendum aftur á flugvöll þegar brottfarardagur er.

Norðurlandamót

Skautasambandið útvegar liðsstjóra sem tekur á mótí hópnum á keppnisstað. Þjálfarakostnaður er í höndum félaga hverju sinni.

Styrkir á Norðurlandamót:

- Keppendur í Afrekshópi ÍSS geta sótt um ferðastyrk að upphæð kr. 70.000.-
- Keppendur í Afreksefnum ÍSS geta sótt um ferðastyrk að upphæð kr. 50.000.-
- Keppendur sem ekki hafa náð viðmiðum en fá kost á þátttöku hafa ekki möguleika á styrk.

Önnur mót á lista ISU

Aðildarfélög/þjálfarar geta sótt um til Afreksnefndar ÍSS um að fara á ISU mót skv. reglum Afreksnefndar. Afreksnefnd metur viðkomandi keppendur í samræmi við styrkleika mótsins sem sótt er um þátttöku á.

Styrkir á mót á lista ISU

- Keppendur í Afrekshópi ÍSS geta sótt um ferðastyrk fyrir allt að tveimur mótum á tímabilinu. Styrkurinn nemur allt að kr. 50.000,- fyrir hvert mót.
- Keppendur í Afreksefnum ÍSS geta sótt um ferðastyrk fyrir allt að tveimur mótum á tímabilinu. Styrkurinn nemur allt að kr. 30.000,- fyrir hvert mót.

RIG

Mótið er alþjóðlegt mót á lista ISU og er haldið á Íslandi. Mótið er haldið á kostnað Skautasambandsins og er því utan styrkjakerfis ÍSS.

Senior / Fullorðinsflokkur

Þeir skautarar sem keppa í Senior flokki geta sótt um sérstaka styrki til keppnisþátttöku, óháð stöðu sinni í Afrekshópum ÍSS.²

Keppendur geta sótt um ferðastyrk fyrir allt að tveimur mótum á lista ISU á tímabilinu. Styrkurinn nemur allt að kr. 30.000,- fyrir hvert mót.

Samgöngustyrkur

Sé vegalengd frá heimili að og frá næsta alþjóðaflugvelli lengri en 100 km er hægt að sækja um styrk, allt að tvisvar sinnum á tímabili, fyrir ferðakostnaði innanlands sem nemur kr. 5.500,-.

Reglugerð nr. 402 – 499 frátekna

² Ekki er hægt að sækja um nema einn styrk fyrir hvert mót.